

*Outor de Letra: Amos Balentin
Outor di Melodia: Amos Balentin
Areglista: Derrel "Titi" De Palm
Kantante: Amos "AmoreusZ" Balentin
Agrupashon: ICONS*

Kai Lanta ta parti di bida

B'a tene lanta kita kai
pero n'ta nada (**n'ta nada.**)
B'a purba gatia tampoko
n'bai pero n'ta nada (**n'ta nada.**)
Despues di gatia kore
Dal abou pero n'ta nada (**n'ta nada**)
lastra, gatia, kana, kore,
Koro: (bula si n' ta bira nada)

Tin momentu den nos bida,
Ku tin ku purba di nobo
no tan gustá p'e ego.
ma nesesario pa nos bida.

**Koro: (Di dal abou nos ta siña.
Bo por mir'é den tur rudia.)**
Bo rudia ta papia kla
Di kuantu biaha b'a lanta (**kai**)

B'a tene lanta
kita kai pero n' ta nada (n' ta nada.)
Ba purba gatia tampoko n' bai pero n' ta nada (n' ta nada.)
Despues di gatia kore dal abou
pero n' ta nada
(**n' ta nada**)

lastra, gatia, kana, kore

Un dicho ku na chikitu
nos a lanta tende
pa prepará p'e bida
sigun ku nos ta krese.

(Si bo ke òf lag'i ke)

Tur hende a pasa aden he e

(Di dal abou bo ta bira duru) x3

Tur herida lo seka un dia
E kueru mes tin su proseso
Lanta stòf bo paña
Tene kachete strak na laira

(Di dal abou bo ta bira duru)(duru 5x)

Kaya a papia sla ta sla
Bida a bisa zoná ta zoná
Kurason di no entregá

(Kai lanta ta parti' bida e ta)

Kaya a papia sla ta sla
Bida a bisa zoná ta zoná
Kurason di no entregá
(Kai lanta ta parti' bida e ta)

Koro largu

(Vallen en opstaan)

(Kai lanta ta parti' bida e ta)

Surdu muda kontr'e mundu
Kaya por papia kiko e ke
N' tin bèrgwensa
Den purba atrobe

Despues di ei bou ta ariba a sopra
Surdu muda no preokupá
muda surdu no preokupá

No wòri kiko hende papia
Sera wowo sigui kana
Sigui pusha wak bo n' kansa
(Pasó ta vallen en opstaan)

(Vallen en opstaan) 4x

Asina mes
Asin' e ta
Bo ta sintié
Asina ta
Bo ta sintié.

(Kai lanta, kai lanta bèk)

N' ta ami a invent'é
Nos a lanta hañ'é
Splika e muchanan
Pa nan nunca entregá
Bida real esaki
Tum'e kos na serio

Bida real esaki
 Nunka entregá
 Surdu muda riba bo meta
 Muda surdu pa por logra bo kos
 Si niun hende no ke lanta
 Sera wowo kanta
 niun hende no ke grita
 Bira wak den banda

Ken t'ei?	(Mi t'ei mi t'ei)
Hala serka anto	(Mi t'ei mi t'ei)
Ken tur t'ei?	(Mi t'ei mi t'ei)
Bin yuda mi anto?	(Mi t'ei mi t'ei)
yam'e bis'e	(bis'e bin baila e yewa ku mi)
Yam'e bis'e bis'e.	(Bis'e bin wak mi den marcha)

Bin bail'e yewa ku mi **(parti e energia) 4x**
 Bail'e yewa ku mi
 Bin bail'e yewa ku mi
 Asina ta!

Koro: (Kai Lanta, kai lanta bèk)

Bo n' ta bo so E ta ku bo
 Bo n' ta bo so nos tur ta ku bo
 Si niun hende no ke lanta
 Sera wowo kanta
 niun hende no ke grita
 bira wak famia.



Nan ta ku bo awé
 Nan ta sostené bo
 Nan ta ku bo awé
 Nan ta sostené bo
 Kai lanta
 Kai lanta bèk
 Surdu muda kontr'e mundu
 Surdu muda riba bo kos

Splikashon di Tema:

*Kai lanta ta e proseso ku ta konsiderá komo e promé lès di bida.
 Komo mucha nos tin ku kai i lanta pa siña kana i por progresá.
 Durante henter nos bida nos lo kai literal i figurativamente pero ta
 lanta bèk t'e reto mayó.
 E ta un lès ku pa semper lo ripití i ku nos lo mester sigui enfrentá i
 surpasá ku forza i kurashi
 pa bida un bida felis. E ta un komposishon aki ta sirbi komo
 motivashon pa tur ku ta pasando den kualke kontratempu i ku ta sinti
 ku nan no por lanta. E ta sirbi komo motivashon ku ora nos kai ta un
 kaminda tin pa bai ku ta ariba. I e úniko manera ku nos por hasi esaki
 ta di lanta bèk i sigui ku optimismo.*